

مُشَاطِقُ

در سعادتده باب عالی جاده سنده
اداره مخصوصه
محل اداره :

افطار :
مسکونه موافق آثار جدیده مع المنونیه
قبول اوانور
درج ابدلینی آثار اعاده اراغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسه لری : ابوالعلا زین العابدین - ح . اشرف ادیب

سنه لکی	القی آیانی	درسه دتده
۶۰	۲۰	ولایاتده
۸۰	۴۰	مملک اجنبیه ده
۸۰	۴۰	

تاریخ تأسیسی :
۱۱ نموز ۳۲۴

در سعادتده نسخه سی ۵۰ پاره در

قبیلادن مقوا بورو ایله کوند ریایسه سنوی
۲۰ فروش فضله آلنیر

در سعادتده بوسته ایله کوند ریایسه ولایات بدلی اخذ اولنور.

منحصر دکلدی . اصل اونک اک بویوک قیمتی عقلی خالق کائناته طوغری اعلا ایتیمی ، بزی اونک ذات اقدسنه قارشى واجب اولان اجلال و تعظیمه سوق ایله مسیدر . »

اگر ایسته مش اوله یدق بو قیلدن اولان اعترافات ایله قوجه بر جلد طولدوردق که بوتون مندرجاتی علمک رهبرایمان اولدیغنه ، خدایه طوغری سوق ایتدیکنه قطعی برر برهان اولوردی . لکن کندیلمی علوم طبیعی ارکاندن غدا یدوبده اورتهیه بر طاقم شبهات الحادیه سورن آدمیره کلنجه بونلر تمامیه قامیل فلاماریونک دیدیکی کبی مهر عالمتاب علمدن غایت ضعیف وسیر طبیعیسندن منحرف برشعاع اقتباس ایدیه یلمشلدرد . ایسته او شعاع بونلرک سقیم اولان فطرتلرینه ، بوزولمش قیلرینه تصادف ایدنجه شو مشهود اولان تأثیری حاصل ایله مشدر . ذاتاً بز بو حقیقتی هیچ بر زمان انکار ایتیزکه اکسیک بر علم قاصر بر فکره ، حقدن متباعد بر قلبه تصادف ایدرسه اوراده بوتون مداواته قارشى اعلان عصیان ایدن معند ، مزعج بر مرض مغنوی تولید ایدر .

علوم طبیعیەنک باباسی اولان باقون دییورکه : « علوم طبیعیە دوداق اوجیله ایچیله جک اولورسه اللهدن اوزاقلاشدیرر ؛ لکن آغیز طولوسی ایچیلیرسه الله اولاشدیرر . »

مع هذا علوم طبیعیە بشرک مشهوداتنده کی علل واسراری تحری حرصنه دوشدیکى کوندن بو آنه قدر مظاهر موجودات آره سسندن ادراک ایدیه بیلدیکى جزء ناچیزدن عبارت دکلدر . زیرا بزم بوزیکلرجه سنه دن برى علمدن احراز ایتدیکنمز جزء ، مستقبده انظار اخلافه آچیلماق ایچون شمذیک بزه مستور قلان ، کله نسبتله قطره بیه اوله ماز . یاشایان اولیه عجائب ، اولیه خوارق کوره جکدرکه شمذیدن سویله نلش اولسه اک عالم بر آدم بیه امکانتی حوصله تصویرینه صیغیره ماز .

اکرم اولان جناب حقک عظمت رافقی بو ضعیف بشری کندی تمایلات واحتیاساتنه هدف ایلایه ، وجدانک تأثرات وانفعالات متعاکسه سنه معروض قلمایه براققی درجه لرندن پک عالیدر . انسان هر کون علماً ترقیده بولیور ؛ بونکله برابر قلبی ، حسی ده ا زیاده رقت پیدا ایدیور ، عقلی ساحه مقولاتده ده ا زیاده قدرت جولان بولیور ، فکری میدان مدرکاتده ده ا سرعتله ایلریلیور . هله افراد بشردن بعضیلری حیات وتمایلاتنه علاقه دار اولماق اعتباریه اک ایلریده بولنان غایته قارشى جهلندن ، عدم اطلاعندن متحصل الملك سویله لبالباب حقیقته وصول ایچون ادراکنى ملایطاق کوردیکی حقائق هیچ اولمازسه فرض وتخمینه باشلیور . بومتوالی ، محسوس ترقی ایله برابر خالق حکیمده انسانی آتش اشتیاقنى تسکین ایدیه جک ، عیون تحسرنی قریایده جک مظهریتلردن محروم براقایور . اوت ، بشر ایلرییه طوغری برخطوه آندجه الله ذوالجلال او آواره مخلوقنک یش عزمنده اوقدر حیاض ، اوقدر صحاری وریاض ایجاد

ایدیورکه آرتق میدان جولانک طارلغندن شکایته حق اوله میور . ایسته بزه زمان ، هریرده انسانی بویله طائیش ، خالقک اوکارقارشى رافت و مرحتنی ده بویله کورمشزدرد .

بشر حقنده کی مرحت السیهنک اظهار دلایلی ، اون طقوزنجی عصرده تجلی نمای جلال اولان قهر و جبروتنک اهری اثارى اسپرتیزم دیدکلى استحضار ارواح مسئله سیدر ، چونکه بو مسئله علی الاطلاق هیچ بر علمک میدانه کتیره مدیکى آثار باهره یی ایجاده مقتدر اولمشدر .

محمد فرید وجدی

محمد عاکف

مواظبت

مقرری
مناسرتی اسماعیل حق
محرری
ح . اشرف ادیب
۵۹ درس — ۸ مابس ۲۲۵

— والله پاشام، دیدی، بوايشدن خبرم یوق . اوچاقین حریف کتیردی، امانت دیدی، بنی آلداتدی . بنده هیچ باقه دن طورسون دیدم .

— عفو ایدرسکنز . ذاتاً ایشده سنزک مدخلکنز اولمدينی بزجه مسلم . « طعمه بن ابرق » ک نصل آدم اولدیغنی هیمز بیلرز . حقیقت میدانده در . سنزک ایچون صیقيله جق ، مراق ایدیه جک هیچ برشی یوقدر .

— فقط والله دوستم چوق محجوب اولدم

— خایره ، خایره ، هیچ صیقيلمايکنز .

دیرکن مسئله محله ده انتشار ایتدی : « طعمه » دینیلن حریف « قتاده بن النعمان » ک زرهنی چالمش ، بریهودینک اوینه امانت دیه براقش . « طعمه » بونی ایشیدنجه تلاشه دوشدی ، اوتکنه بریکه واروب شرتلکه باشلادی :

— نه دیمک ، افندم ، بکافترا ایتسون ؟ بن مسلمانم . هیچ خیرسزلق ایدرمیم ؟ حاشا . یهودی چالمشدر .

— ای اما اونک ایزی سنزک اوده قدر کلیور ، صوکراده اوتنه کی قابودن یهودینک اوینه کیدیور .

— فقط مخصوص یامشدر . حاشا ، بن بونی قبول ایتیم ، حالبوکه یهودی ای بر آدم ، طوغرو بر ذات ایدی . قومشولر شهادت ایدردیلر . لکن بریکنکده طرفلری چوق ، بنی ظفر قبیله سسندن برچوق اعوانی ، همپاری وار . کیمنی ظاهر حالیه آلدائمش ، کیمیسیده ذاتاً اونک مشربنده حریفلر ایش .

— آمان بزه عار اوله جق ، دیدیلر ، نامز کیرلنه جک . قبیله من رذیل اوله جق ... اولماز ، دیدیلر ، هایدی حضرت رسوله کیدم . « بو ، اولیه آدم دکلدر ، یهودیلر بوکا افترا ایدرلر » دیلم !!

يؤده اليك) نظم جليلی ملاحظه ايتلی یز . نته کیم مسلمان اولقله ده ناموسلی اولق لازم کلز . مسلمان اولورده فاجر اولور ، الله قورقوسی اولماز . حقیقی مسلم اولورسه هر کس امین اولور . لکن کله شهادت دینک اوجنده . قلبی قارا .

استمیدبالله (اذا جاءك المنافقون قالوا : نشهد انک رسول الله ... والله یعلم انک لرسوله ، والله یشهد ان المنافقین لکاذبون) زمان سعادتده موجود منافقلا ایچون قوجه برسوره نازل اولمشدر .

(برائة) ده نعلر وار . دین علینه ، ملت علینه یابدقلا فئالقلا برر برر بیان ایدر . اول (منافقون) سورهمی نازل اولدی .

(اذا جاءك المنافقون) حبییم . منافقلا سکا کلنجه (قالوا) دیرلر ؛ (نشهد انک لرسول الله) شهادت ایدرکه سن اللهک رسولی سک .

(والله یعلم انک لرسوله) الله بیلیرکه سن اونک رسول ذیشانیسک لکن (والله یشهد ان المنافقین لکاذبون) الله شهادت ایدیورکه

بومنافقلا یالانچی لردر . شهادت ایتیمورلرکه . دیل اوجندن سویلورلر . « شهادت » اول وقت دینیرکه انسان برشیئی کونش کبی بیله جک .

اوله شهادت ایده جک . یوقسه کنیدیسی اینانیمور ، اعتقاد ایتیمور ، اعتقاد ایتیمورک برشیئی خبر ویرسه اوکا « اخبار » دیر . الله تکذیب ایدر : سکا ای کورونمک ایچون تصدیق ایدرلر . ایجاب ایدرسه

یمین ده ایدرلر . لکن اینانمه ، منافقلا قانمه .

(اتخذوا ایمانهم حنة) بو حریفلا یمینلری قالقان ایدیملر . یمینلری سپر آلورلر . یمین ، یمین ، ایستدیک قدر یمین . اونکله

قاندیرر مسلمانی . یالان یره یمین ایدرلر .

(فصدوا عن سبیل الله) صوکر الله یولندن افساد ایدرلر . اوله کورونیورلر . صوکرده آرده برشی یاپارلرکه انسانلری بربرلرینه

قاتارلر ، درلو درلو فسادلر آتارلر . (انهم ساء ماکانو یعملون) بومنافقلا ، نه فئالقلا ایشلیورلر بیلسه کز . دینک ، ملتک نحوینه

چالیشیورلر . اهل اسلام ینته تخم فساد صاچارلر .

— بزده سزدن دکل یز؟ ایشته تسبیح المده ، ذکر دیلده ، بن ، بن اوله لرله کوروشدم ، اوله رؤیالر کورددم که ... فاتح جامعنده شهیدلرله بولوشدم :

« هایدی کیت ، دیدیلر ، عالمی ارشاد ایده سک !. »

بویله بر طاقم دجاللر ظهور ایدر . اولیالق طاسلار . مقربین ایله کوروشور (!) بر آرزدها فرصت بولسلر « بکا جبرائیل کلدی »

دیه جک . هله رؤیاده ملکلا رایله کوروشور . برطاقم جهله یی قاندیرمق ایچون یالانلر اویدورور . منافقلا شرنندن رب العالمین بتون امتی

خلاص ایله .

زمان سعادتدن باشلامشدر بو . شیمدی آکلاته جفم . وقعه بویله اولدی . حضرت پیغمبره وحی کلیدی . کیمسه آلداته مازدی . جبرائیل وحی کتیرر ، حق بللی اولوردی . لکن بدایه حقیقت مجهول ایدی .

کیمیسی منافق ، کیمیسی غافل . اونکچون بیلمدیک شینه شهادت ایتمه . — نه یه بیامم ؟ اوداتی بن جامعده کورددم .

کلدیلر ، حضور نبوی یه کیردیلر : — یارسلو الله ! دیدیلر ، هیچ مسلمان یهودیدن فنا اولورمی ؟ بویهودی اللهدن قورقاز : هر فئالنی یاپار ...

(مسلمان ... مسلمان اما منافق ، فتنه کار ، خائن ، ملعون ...)

بیایرسک یارسلو الله ، دیدیلر ، بو آدم مسلمان ، هر زمان مسجد کزده نماز قیلار . هیچ بزیا لان یره شهادت ایدرمی یز ؟ جاشنا بز بونی

قبول ایتیمز . بزم قبیله مز بویله حرکاتده بولماز . بونی مطلق یهودی یامشدر . بوکاده کیر سورر . نه ایسه حکم شریعت اجرا ایدیکزکه

یهودی افترا نصل اولور آکلاسون . آرقداشمز طوقونمه یکز . چونکه اومه صومدر . نمازینی قیلار ، اوروجنی طوتار ، محله مزده

بر فئالنی ایشیدیلهمش . ایشته سزده مسجد شریفده کورورسکز . پیغمبر غیبی بیامز ، الله بیلدیرمینجه . (ولا اعلم الغیب) بن

کندیلمکدن غیبی بیلمم ، دییور حضرت رسول .

حضرت پیغمبر (صلی الله علیه وسلم) باقدی که ظاهر حالده کلنلر بش اون کیشی ، هبسی بردن ایفای شهادت ایدرلر . اوته کی ده یهودی .

بلکه غرضی اولور . رسول اکرم افندمر اونلرک ظاهر حاللرینه باقهرق ، یمینلرینه ، شهادت کاذبه لرینه بنا ایدرک کوکلندن کجدی که :

بو یهودینک النی کسه یم . لکن ینه عجه ایتیم . یارینه براقیرم . بلکه وحی الهی کلیر بر آرز شهبلی در ...

نه یاپسون . یوزلرله انسان کلش ، حسن شهادت ایدیور . مسجد شریفده دائما کلیر ، کیدرلر . مسلمانلق دعواسنده بولورلر .

بونک ایچون حضرت رسولک کوکلندن بویله کجدی . یهودی یی حقسنر ظن ایتدی . اونی محکوم ایتک ایستدی . مع مافیهایشی بر آرز

تأخیر ایتدی .

هان او صرده بو آیت جلیله نازل اولدی . بش آلتی قدردر ،

آشاغی طوغرو ، هبسنی اوقویه جفز . ایضاح ایده جکیز . اللهک عدالتنه باق . بر یهودینک حقنی محافظه ایچون . بر چوق منافقلا

رسوای ایچون یدی ، سکز آیت بردن انزال بیوردی . سورة نسا در بو آیتلر . (انا انزلنا الیک الکتاب بالحق) قرآن کریمی

بن سکا حق دیه کوندردم . (لتحکم بین الناس بما یریک الله) ناس آراسنده حکم ایده سک دیه . لکن الله نصل تعریف و بیان ایدرسه اوله حکم

ایده جکسک . کندی کز دینه غیبی بیله مزسک .

ایشته حق نه ایسه اوله حکم بویوره جقسک (ولاتکن للخائنین

خصیاً) صاقین بوخائن حریفلرله برلک اواه . اونلری محافظه ایده جکم ، دیه یهودی نک النی کسه . (واستغفر الله) اللهدن مغفرت ایسته ...

ایچون کوکلندن کجدی ؟ اوقدر شیه « مغفرت ایسته » دییور . گرچه حکم ایتدی . تکذیر ایتدی ، حبس ایتدی . لکن کوکلندن کجدی که : نه خائن آدم ایمش ، مسلمانلره افترا ایدر ...

رب العالمین دییور : اوله ایسه مغفرت ایسته ! .. یهودی اولقله تاموسسز اولق لازم کلز . (ومن اهل الکتاب من ان تأمنه بقنطار

جامعه کورمکه ، تکیه ده کورمکه قائم . چوق . تجربه ایست . انسانک الاجه سی ایچنده در . اوتنه دبری طانیدیفک ، هرکسجه مقبول طوتولان بونجه علما ، مشایخ وار . بیلیم نرددن کلش ، کندینه « درویش » دیش ، ولی دیش . اوپله بر ملعونی که سن بوکون کورورسک ، نرددن طانیرسک . بویله برطاقم کیمسه لر اغفال اولنور . بوراده امین ، معتمد خلی مشایخ ، علما وار . الی سنده دبری تجربه اولمشلر . بوقدر زمانلر دینه ، دولته خدمت ایتمشلر . شاگرد یتشدرمشلر . کندیلرینه امنیت اولنور . سوزلرینه اطمینان ایلله کووه نیلیر . اما اصلی ، نسلی مجهول سرسریله اعتماد اولنورمی ؟ آخرزمانده بویله دجاللر چیقه جق . یریوزنده افساد ایده جکلر . بر بوراده کورونه جکلر ، بر مصرده ، بر بیلیم نرده ... ذاتاً هیچ بر طرفده یوردی یوق . اصلی ، نسلی بللی دکل . نرده قارنی طویار ، علمی افساد ایدرسه اوراده وقت کچرر . یاپه جفنی یاپار . قاچار . سن صوکر بوراده یان ، یاقیل : — وای بنی آلدادی !.. اوایسه مصرده ذوقنی سورییور . اوراده ملعنلر یاپار . فتنه لر صاچار . امت اسلامی بی بر برینه قاریشدرمق تشبشه بولنور . بویله خائن ، بویله ملعونلر ...

ایشته زمان سعادتده بر یهودی بی محکوم ایچون الله راضی اولدی . بوقدر آیتلر کوندردی . هر زمان الله موجوددر . غیرتی ، عدالتی وار . مؤمنلره نصرتی ، عنایتی وار . اونک ایچون جانیلره مساعده ایدرسه جرأت آلاملی . صرهمی کلنجه مدھش بر عذاب ایلله بتون خائنلری سرنگون ایدر ، اک جبار باشلری یرلرده سوروندیرر . یهودی بی محافظه ایچون بوقدر آیت کوندرن الله قوجه برملتی خائنلرک مکرینه فدا ایدرمی ؟ ملعونلر ، نه بیوک جنایتلر قورمشلر ، نه مدھش اختلال قرارلشدرمشلر .

بوراده فتنه باشلایه جق . سوقاقلرده سیل کبی قانلر آقجق . بر دفعه بوراسی قاریشنجه صوکر اولایتلر هرج و مرج اوله جق . ذاتاً پیشیرلش . نه قدر خرسیتیان ، مسلمان وارسه هبسی سلاحلی . خرسیتیانلر بلکه دها زیاده مسلح . چونکه خارجدن ده معاونلری وار . طبیعی بتون اهالی بر برینه کیره جک . بتون تبه محو و پریشان اوله جق . صوکر اجنبیلر کله جک ، مملکتتمز تقسیم اوله جق . اوچ دانه خرسیتیان اولدورسه ک هر طرفدن شکایتلر یاغار : نیچون اولدوردیکز ؟ دیه . صورمازمی یا ؟ بویله قتل عاملر باشلارسه ، آطنه کبی وقایع مؤسسه ظهور ایدرسه عالم انسانیت سکوت ایدرمی ؟ هرکس بر برینی اولدورمه یه باشلارسه الله بوکا راضی می ؟ خلافت مقدسه قیامته قدر باقی در . زمان کله مش . الله فرصت ویرمدی . ملعنتی میدانه چیقاردی . حبتلی کوکلر غلیانه کلدی . بتون روم ایلی ارسلانلری ، اوکنج دلاورلر اوچه اوچه کلدیلر . قوشه قوشه هجوم ایتدیلر . آن واحده برق خاطف کبی یتشدر . بو قدرتی ویرن ، بو موفقتی بخش ایدن اللهدن غیری کیمدر ؟ بونصرت الهیه اولماییدی ، حقیقه همین

محو و نابود اوله جقدق . نصل که باشلامشدی . بونجه نفوس معصومه کتیدی . عسکرلر ضابطلرینی اولدورمکه باشلادیلر ، کیم بیلیر بلکه طلبه لرده خواجه لرینی تلف ایتمکه تشبث ایده جکلردی . خائنلر اودرجه نفاق دوشوردیلر . آرایه تخم منافرت صاچدیلر . حسیات دینی بی تحریک ایتدیلر . جهالتدن استفاده ایتدیلر ، نه ملعون شیطان . اورته لنی یاقه جقدی . انسان دیمیه جکدی . نه قدر عقل سلیم اصحابی وارسه هپسک وجودنی قالدیرم جق . صوکر ایستدیک کبی حکم سورسون ، مظالمی الله آلسون . حاصلی تمامیه استبدادی اعاده ایتسون ... فکر یوایدی . العیاذ بالله . الله بوملعنلره میدان بر اقادی . ملت اسلامی بی وبتون افراد بشریه بی خلاص ایلدی . ﴿ فله الحمد والمنة نسل الله تمام العافیه ﴾

صوکر نه بیورور ؟ ﴿ ولاتجادل عن الذین ﴾ اوندن اول ﴿ واستغفر الله ان الله کان غفوراً رحیماً ﴾ وار . اللهدن مغفرت دیله . ربک غفور رحیم در . بومنانقلرک شرینه قاپیلیمه . حیلله سنه ، مکیده سنه متابت ایتمه . حق و حقیقت سکا بیان اولوندی . صاقین نفسلرینه خیانتلک ایدن کیمسه لر ایچون مجادله ایتمه . ﴿ ولاتجادل عن الذین یختانون انفسهم ﴾ کندی نفسلرینه خیانتلک ایدن کیمسه لر ایچون جدال ایتمه . اونلری قورتاره جغم دیه یهودی بی محکوم ایتمه . نیچون ؟ ﴿ ان الله لایحب من کان خوفاً ائیماً ﴾ الله (جل شانہ) . بیلیرمیسک کیملری سومز . کیملره بغض ایدر ، کیملره غضب الهی دائماً حاضر در ؟.. ایم اولانلر دائماً مغفوض آلهیدر .

یهودی اولور ، خرسیتیان اولور ، مجوسی اولور ؛ فقط کندی حقه راضی اولور . دینی باطل ، اما جزاسی آخرتده . کفر ایلله دنیا خراب اولماز . ظلم ایلله دنیا ویران اولور . اما کفر ایلله مشغول ایمش ، اولسون ، الله رزقنی کسمز . آخرته عائد برشیدر او . رب العالمینه قارشی بر قصوردر ، بر خطا در . قول حق اولسه ، که ظالم لکک تیجه سی در ، اووقت غیرت الله ظهور ایدر ، انتقام آلیر . خوان ، ایم اولانلری الله سومز . « خوان » صیغه مبالغه در ، کثرتی مشمردر . « ایم » ده صفت مشبهدر ، استمراره دلالت ایدر . (ثمی) معصیتی پک چوق . سیئاتی حد نه یاده .

نیچون بویله دییور عجبا ؟ کیملردر بونلر ؟ از جمله « طعمه » ، اوخیث حریف . هم قومشوسنک مالی چالیدی ، هم ده یهودی یه افترا ایتدی . دقت ایدیورمیسک ، الله بوکانصل « خوان » دییور ؟ « خائن » ... بوکا آزدر . اونک ایچون « خوان » دییور . پک زیاده خائن دیمک . هم دین قارداشک مالی چالیدی ، هم یهودی بی لکه لیدی . بیچاره نک الی کسیدریم جکدی . بویله قاتمرلی جنایت الله « خوان » دیمزده نه دیر ؟

برده بو حریفک هر نه قدر بر فنانی کورولمش سده بو زمانه قدر کیم بیلیر دها نه قدر فناقلری واردر !... ایلک دفعه سنده الله (جل شانہ) ترزیل ایتمز . برنجیده ، ایکنجیده اورتر . صوکر اوچنجیده ویرر بلاسنی .